

Газртан ирэд гермүд бәрджәнә

„Приозерный“ гидг совхозд ода 180 өрк-бүл нүүггәд ирчкв. Цугтан гилтә көллмшт орчкск, зәрмнь бийдән гермүд бәрдж авцхаджана.

Совхозин директор үр Иванов болн парторганизацин сегләтр үр Чурюмов арднь ордж көдлмш кенә. Ирсн хальмгуд государствас ссуд авад, үкрмүд хулдж авад, гермүд бийдән бәрджәнә. Үлгүрлхд: 4-ч фермд арвн гурвн өрк-бүл нүүджд ирснәс, йиснь гериннь эрсинь босхчкск бәәнә. Тедн дунд: Санджин Тоя, Бадмин Гади, Лиджин Улан, Нагуна Иван болн нань чигн кесг улс.

—Газртан ирввди, чидлән әрвллго көдлнәвди, — гидж эди нег дуугъар мана района күцәгч комитетин ахлач үр И.А. Олюнинд келцхәв. Болв, гермүдиннь эрснь белн болвчнь, модн уга болад, ода күртл дала көдлмш кегдлго бәәнә. Үр Иванов модн ирх гиггәд иткүлнә, кезә, ямаран цагла ирхнь медгдхш.

Бидн, ирсн оли-әмти, таньгъчин толгъачнрас сурджанавдн:

—Модна төриг шулун болдгар негн деернь гаргъдж өгтн!

Мана селькор.
Приозерн район.